



partii naleraq

UKA 2016/056-01

18-10-2016

Aalajangiiffigisassatut siunnersuut, Naalackersuisut kingusinnerpaamik UPA2018-mi misissuinissamik agguaassissasoq pitsaaqutit ajoqqutillu, Kalaallit Nunaat EU-mut suleqateqaqqilersinnaanissaa pillugu. Misissuineq naqissuseeqataassaaq EU-mut ilaasortaanissamut politikikkut aningaasaqarnerup kingunissai, siumoortumillu naliliinermut, namminersornerusuni allaffissornikkut periarfissat suliamut pisinnaasaat naammannersut EU-mut ilaasortaanermut.

(Inatsisartunut ilaasortaq Justus Hansen, Demokraatit)

Aalajangiiffigisassatut siunnersuut, Naalackersuisut kingusinnerpaamik UPA2018-mi misissuinissamik agguaassissasoq pitsaaqutit ajoqqutillu, Kalaallit Nunaat EU-mut suleqateqaqqilersinnaanissaa pillugu. Misissuineq naqissuseeqataassaaq EU-mut ilaasortaanissamut politikikkut aningaasaqarnerup kingunissai, siumoortumillu naliliinermut, namminersornerusuni allaffissornikkut periarfissat suliamut pisinnaasaat naammannersut EU-mut ilaasortaanermut.

Siunnersuut taanna Partii Naleraq sinnerlugu imannak oqaaseqarfigissuarput.

Aallaqqaasiullugu Partii Naleqqamiit erseqqissassuarput, kalaallit taamanikkut EF-usimasumiit maanna EU-ngorsimasumut taasitinneqarlutik anisimanerat ataqquilluinnaratsigu.

Taamaattumik EU-mut ilaasortanngoqqissinnaanermut apeqqutip Demokraatiniit qaqeqqinneqarnera kalaallit aaliangiisimanerannik ataqqinninnginnertut nalilertariaqarparput.

Minnerunngitsumik kalaallit amerlanerungaartut namminersornermut akuersaarlutik taasereernikuummata. Aamma nunatsinni nunatta nammineq naalagaaffinngornissaa pillugu suliniarnermut siunnersuut naapertuutinngilluinnarmat.

Aamma takusinnaareerparput allaat naalagaaffissuaq Tuluit Nunaat EU-imiit anialersoq, tassa tuluit nunaata nammineq nunatut kinaassutsini annaarusunnginnamiuk.

Kiisalu minnerunngitsumik nunatta oqaluttuarisaanera kingumut qivialaassangaanni takusinnaavarput nunatsinniik nunattalu imartaaniit nunat allamiut, nunatta pisuussutaanik

uumaatsunik uumassusilinnillu nunatsinnut akiliuteqanngitsumik annissuisimanerit uterfigissallugu orniginngilluinnarparput.

Tassami maannamulluunniit aalisagartassaativut, piniagassarpassuillu maani nunaqqatitsinnut tunniunneqarnissaat taama killilersuiffigereertigalutigu, takorluuinnarsinnaavarput EU-mut ilaasortanngussangaluarutta aatsaat iluamik taakkuninnga siunissami pisassiiniartarnissarput ajornartorsiorfigilersinnaagipput, tassa suut tamarmik qularnanngitsumik EU-mi aaliangersakkat malillugu aaliangersarneqartalertussaassammata.

Taamaattumik maannamut EU-mik immikkut ittumik isumaqatigiissuteqartarneq atuutsiinnarusupparput.

Taamaammat takinerusumik oqaaseqarnata sinnersuutip itingartinneqarnissaa inassutingaarput.